

ব্যাংকিং প্রবিধি ও নীতি বিভাগ
বাংলাদেশ ব্যাংক
প্রধান কার্যালয়
ঢাকা।

বিআরপিডি সার্কুলার লেটার নং- ১৬

ডিসেম্বর ২১, ২০১০
তারিখ : -----
পৌষ ০৭, ১৪১৭

ব্যবস্থাপনা পরিচালক/প্রধান নির্বাহী
বাংলাদেশে কার্যরত সকল তফসিলী ব্যাংক।

প্রিয় মহোদয়,

Special Notice Deposit (SND) হিসাব পরিচালনা প্রসঙ্গে।

শিরোনামোক্ত বিষয়ে জারীকৃত বিআরপিডি সার্কুলার নং-২০/২০১০ ও ২৬/২০১০ এর প্রতি আপনাদের দৃষ্টি আকর্ষণ করা যাচ্ছে।

উল্লিখিত সার্কুলারদ্বয়ের কতিপয় নির্দেশনা পর্যালোচনাপূর্বক নিম্নবর্ণিত সিদ্ধান্ত গৃহীত হয়েছে :

(১) যেসব স্পেশাল নোটিশ ডিপোজিট (এসএনডি) হিসাব বিল কালেকশন, আইপিও কালেকশন এবং Escrow হিসাব রূপে পরিচালিত হয় এবং ব্যাংক ও উক্ত হিসাবসমূহের গ্রাহক প্রতিষ্ঠানের মধ্যে সম্পাদিত চুক্তির শর্তানুযায়ী একটি নির্দিষ্ট সময় পর পর এসএনডি হিসাব হতে অন্য হিসাবে তহবিল স্থানান্তর করা হয়/পেমেন্ট ইনস্ট্রাকশন অনুযায়ী পেমেন্ট করা হয় শুধুমাত্র সেসব এসএনডি হিসাবে প্রতিটি লেনদেনের জন্য পৃথক নোটিশ ছাড়া চুক্তি অনুযায়ী একটি নির্দিষ্ট সময় পর পর (কমপক্ষে ৭ দিন) এসএনডি হিসাব হতে অন্য হিসাবে তহবিল স্থানান্তর/পেমেন্ট করা যাবে।

(২) উপরোল্লিখিত স্পেশাল নোটিশ ডিপোজিট (এসএনডি) হিসাবসমূহ চেক বই ছাড়া পরিচালনা করা যাবে। তবে তা অবশ্যই গ্রাহক প্রতিষ্ঠান এবং ব্যাংকের মধ্যে সম্পাদিত চুক্তিতে উল্লেখ থাকতে হবে।

(৩) বিআরপিডি সার্কুলার নং-২০/২০১০ এর ৫নং ক্রমিক নিম্নরূপভাবে প্রতিস্থাপিত হবে :

“স্পেশাল নোটিশ ডিপোজিট (এসএনডি) হিসাবের কোন নির্দিষ্ট মেয়াদ না থাকায় সুদের হার শুধুমাত্র আমানতের পরিমাণ ভেদে তারতম্য করা যাবে। গ্রাহকভেদে/মেয়াদভেদে সুদ হারে তারতম্য করা যাবে না। এ হিসাবে প্রদত্ত সুদের হার সঞ্চয়ী হিসাবে প্রদত্ত সুদ হারের চেয়ে কম/বেশী হতে পারে।”

(৪) স্পেশাল নোটিশ ডিপোজিট (এসএনডি) হিসাবে ন্যূনতম স্থিতি নির্ধারণ করা যাবে। তবে ন্যূনতম স্থিতির জন্য কোন চার্জ/ফি (মিনিমাম ব্যালেন্স ফি) আদায় করা যাবে না।

এ নির্দেশ অবিলম্বে কার্যকর হবে।

অনুগ্রহপূর্বক প্রাপ্তি স্বীকার করবেন।

আপনাদের বিশ্বস্ত,

(কে.এম. আব্দুল ওয়াদুদ)
মহাব্যবস্থাপক (ভারপ্রাপ্ত)
ফোন: ৭১২৫০২১